



O'ZBEKISTON RESPUBLIKASI SUV XO'JALIGI VAZIRLIGI HAY'AT QARORI

2024-yil 28-iyun

Toshkent sh.

№ 4/1

Ўзбекистон Республикаси Сув хўжалиги вазирлигининг 2024 йил II ярим йиллиги учун мўлжалланган иш режасини тасдиқлаш тўғрисида

Ўзбекистон Республикаси Президентининг 2024 йил 7 майдаги “Сув хўжалигида замонавий бошқарув тизimini жорий қилиш ва ривожлантиришининг устувор йўналишларини белгилаш тўғрисида”ги ПФ–74-сон Фармони, Вазирлар Маҳкамасининг 2021 йил 17 сентябрдаги “Ўзбекистон Республикаси Сув хўжалиги вазирлиги фаолиятига доир айрим қонунчилик ҳужжатларини такомиллаштириш тўғрисида”ги 573-сон қарори, шунингдек, вазифаларнинг Ўзбекистон Республикаси Президенти ва Ҳукуматининг бошқа бир қатор ҳужжатлари билан вазирликка юклатилган топшириқларнинг ижросини сўзсиз таъминлаш бўйича вазир ўринбосарлари, вазирлик марказий аппаратининг бошқарма ва мустақил бўлим бошлиқлари, бош ва етакчи мутахассислари ҳамда вазирлик тасарруфидаги республика ва тизим ташкилотлари раҳбарларининг шахсий шахсий масъулияти ҳамда жавобгарлигини кучайтириш мақсадида ҳайъат йиғилиши

Қарор қилади:

1. Ўзбекистон Республикаси Сув хўжалиги вазирлигининг 2024 йил II ярим йиллиги учун мўлжалланган иш режаси **иловага мувофиқ тасдиқлансин.**

2. Ўзбекистон Республикаси Сув хўжалиги вазирлигининг ҳайъати аъзолари, вазирнинг барча ўринбосарлари, вазирлик марказий аппаратининг бошқарма ва мустақил бўлим бошлиқларига вазирликнинг 2024 йилнинг II ярим йиллиги учун мўлжалланган иш режасига киритилган устувор вазифалар, ўрганиладиган ва муҳокама қилинадиган масалалар ҳамда амалга ошириладиган тадбирларнинг белгиланган муддатларда, сифатли ҳамда тўлақонли бажарилишини ташкил ва таъмин этиш, ижроси ҳақидаги маълумотларни шахсан ҳайъат раиси (вазир) номига ёзиб, умумлаштириш учун Ташкилий-назорат бўлими (Ибрагимов)га тақдим этиш вазифалари топширилсин.

Белгилаб қўйилсинки, Ўзбекистон Республикаси Сув хўжалиги вазирлигининг ҳайъати аъзолари вазир ўринбосарлари, вазирлик марказий аппарати бошқарма ва мустақил бўлим бошлиқлари ҳамда вазирлик тасарруфидаги республика ва тизим ташкилотлари раҳбарлари 2024 йилнинг II ярим йиллиги учун мўлжалланган иш режасига киритилган масалаларни вазирликда белгиланган Регламент асосида тайёрланишига ҳамда тизимли равишда ташкил ва таъмин этиш учун шахсан масъул ҳисобланадилар.

3. Қорақалпоғистон Республикаси Сув хўжалиги вазири, вилоятлар ирригация тизимлари ҳавза бошқармалари бошлиқлари, вазирлик тасарруфидаги республика ва тизим ташкилотлари раҳбарларига:

10 кун муддат ичида Қорақалпоғистон Республикаси Вазирлар Кенгаши ва вилоят ҳокимларининг тегишли ўринбосарлари билан келишилган ҳолда Ўзбекистон Республикаси Президентининг 2024 йил 7 майдаги “Сув хўжалигида замонавий бошқарув тизимини жорий қилиш ва ривожлантиришнинг устувор йўналишларини белгилаш тўғрисида”ги ПФ–74-сон Фармони, Вазирлар Маҳкамасининг 2021 йил 17 сентябрдаги 573-сон қарори билан вазирликка юклатилган топшириқлар ҳамда вазирлик марказий аппарати бошқарма ҳамда мустақил бўлимларининг Низомлари ва хизмат вазифалари тақсимотида белгилаб қўйилган вазифа, функция ва мажбуриятлардан келиб чиққан ҳолда 2024 йилнинг II ярим йиллиги учун мўлжалланган иш режаларини ишлаб чиқиб, вазирликка тасдиқлаш учун тақдим қилиш;

ҳар ой якуни билан 2024 йилнинг II ярим йиллиги учун мўлжалланган иш режасининг ижроси ҳақидаги маълумотларни ёзма равишда шахсан ҳайъат раиси (вазир) номига ёзиб, умумлаштириш учун Ташкилий-назорат бўлими (Ибрагимов)га тақдим этиш вазифалари юклатилсин.

4. Вазирнинг биринчи ўринбосари Т.Бутунбаев, вазир ёрдамчиси А.Манглиев ҳамда Ташкилий-назорат бўлими бошлиғи М.Ибрагимовларга:

Ўзбекистон Республикаси Сув хўжалиги вазирлигининг 2024 йилнинг II ярим йиллиги учун мўлжалланган иш режаси ижроси юзасидан тизимли мониторинг юритиш;

вазирлик марказий аппаратининг бошқарма ва мустақил бўлимлари, шунингдек, Қорақалпоғистон Республикаси Сув хўжалиги вазирлиги, вилоятлар ирригация тизимлари ҳавза бошқармалари, вазирлик тасарруфидаги республика ва тизим ташкилотларининг 2024 йилнинг II ярим йиллиги учун иш режаларини тартибга солиш бўйича комплекс ташкилий чора-тадбирларни амалга ошириш;

вазирлик марказий аппаратининг бошқарма ва мустақил бўлимларининг, шунингдек, вазирлик тасарруфидаги республика ва тизим ташкилотларининг иш режалари ижроси устидан тизимли назорат ўрнатиш ва ижросини ҳар ойда танқидий руҳда таҳлил қилиб бориш ҳамда ҳар ой якуни билан Вазирлар Маҳкамасига ва вазирлик раҳбариятига, шунингдек, бошқа давлат органларига (сўралган вақт ва муддатларда) ахборот ва маълумотларни тақдим этиш;

иш режасига киритилган топшириқлар ва тадбирларнинг ижросини белгиланган муддатда, тўлақонли ва сифатли таъминламаган ва ўрнатилган тартибда ахборот тақдим қилмаган, шунингдек, ижроси кечикишига йўл қўйган раҳбар-ҳодимларга нисбатан тегишли интизомий жазо чоралари қўллаш юзасидан тақлиф (вазирлик буйруқ лойиҳасини) киритиб бориш вазифалари топширилсин.

5. Мазкур қарорнинг ижросини ташкил этишни вазирнинг барча ўринбосарлари зиммасига юклатиб, ижросини назорат қилишни ўз зиммамда қолдираман.

Ҳайъат раиси



Ш. Хамраев